

Parare Domino Plebem Perfectam

A lokisetse Morena Sechaba se phethehileng (Luka 1,17)

Moeletsi oa Basotho

www.moeletsoabasotho.co.ls

Kompi o amohela thomo



2

BNP e ema le sechaba

5



Molao oa bojaki o khabisitse

13



BAHLANKA BA AMOHELA PHAFA



8

www.moeletsoabasotho.co.ls



+266 28 350 466/

+266 6260 0983 WhatsApp

newsroom@moeletsoabasotho.co.ls

#PARARE DOMINO PLEBEM PERFECTAM

MOELETSI

Ke hlakantsutsu

Letona la Thuto le Koetliso le khothaletsa Basotho ho isa bana lihlopheng hobane lipatlisiso li bontša naha e e-na le batho ba bangata ba sa tsebeng ho bala le ho ngola puo ea habo bona ea letsoele. Leha ho le joalo litichere li lla ka lenane-thuto le teng likolong le bonahalang le sa thuse bana ho hang, le bile le imetsa litichere. Likolong tsa Mathomo baithuti ba fetisoa feela, ebe e ba bothata bo bohola ha ba fihla ho tse Mahareng le tse Phahameng. Litichere li hlahlosa hore ba bang ba bona le ho ngola lebitso la bona feela ke bothata. Taba ena khale litichere li lla ka eona, li lebeletsoe ho thusa bana ho latela hore na ba sekametse kae empa ba tl'o etsa joalo joang ho se lisebelisoa?

'Muso ho bonahala eka o ile oa potlakela ho kenya lenane-thuto lena tšebetsong o sa etsa lipatlisiso le liphuputso tse hlokaahalang. E 'ngoe ea lintlha tsa bohlokoa ke hore na le tla tsoela naha ena molemo joang ho ipapitsoe le tsela ea bophelo eo Basotho ba e phelang. Mohlala, ka lithabeng ka koana ke seboko feela sa hore batsoali ha ba na tsotello litabeng tsa thuto ea bana, 'me bana ba kena lenyalong ba le lilemong tse tlaase hape ba ea lebollong. Ka hona molemong oa thaka ena e tšesane ho hlokaahala ho ke ho luloe fatše hape ho etsoe meralo e hlakileng, ke mafapha ohle a amehang ho lokisa thuto ea Lesotho e neng e babatseha.

Mokha oa Sechaba sa Basotho (BNP) o khalema liketso tse soto tse etsetsoang sechaba ke Sesole sa Lesotho, se neng se fuoe taelo ke Tona-Khola ea hore se etse bonnete ba ho hlaola litlolo tsa molao. BNP e bontša e ne e be khahlanong le puo eo sathathong hobane e sa utloisisi hore na sesole se sebetsana le litlolo tsa molao joang se sa kenyeletsa sepolesa. O entse thapeli ho Mookamele e mocha oa Sepolesa ho se kene litabeng tsena, empa a tlohele litho ho etsa lipatlisiso tse nepahetseng e le ho boloka khotso le ho aba toka ka mokhoa o nepahetseng.

Bahlanka ba Litsi tsa Tlhabollo ea Batšoaruo (LCS) ba itela bootloane kapel'a Komisi e etsang liphuputso mabapi le ho khakhathoa ha batšoaruo litsing. Ba re ba amohela phoso eo ka hona komisi e tle e be mohau hobane ruri ba bang ba batho ba hlokoalitsong ke beng ka bona, ba bang ba phela le bona metseng. Ba lla ka hore koetliso ea bona ha se e matlafetseng hobane ba sebetse le batšoaruo ba nang le litsebo tse fetang tsa bona. Ka lebaka lena ba kopana le qholotso e khola haholo hobane bona ba ntse ba sebetse ka mokhoa oa khale, mehleng ena ea sejoale-joale lintho li se li etsoa ka marang-rang. Ho feta moo eona koetliso eo e etsa batho ba lipelo li bohloko hobane ba phelisoa ka litlhapa, ke ka hoo motho a tsoang a e-na le moea oa boiphethetso.

E le ho arabela qholotso ea Basotho ba jakileng linaheng tse ling, Lekala la Khiri le Bosebeletsi ba Sechaba 'moho le mafapha ohle a amehang le thehile Komiti ea Naha e tla shebana le Bosebeletsi ba Matsoalloa a Linaha tse ling. Komiti ena e tla elets'a muso litabeng tse amanang le bojaki. Leha ho le joalo Mokhatlo oa Basotho ba sebetsang Linaheng tseo e seng tsa habo bona o bontša ha molao oa bojaki o le teng empa bothata e le hore na o kenngoa tšebetsong joang. Keletso ea mokhatlo ke hore kamehla ha ho etsoa molao sechaba se etsoe karolo e le hore se o tsebe le ho akhela molangoana.

Mohatonyane o amohela thomo



Nthabeleng Seithleko

Motlotlehi Letsie III o file 'Mantsoetsi Mohatonyane (Liteboho Kompi) thomo ea ho ba Moemeli oa Naha ea Lesotho Belgium, Ntlong ea Borena bo Boholo Maseru,

metsuntsunyane, leha a sa tsebe o tla fumana eng empa o rata ho bona maputulo a ts'ebetso ea e romilong ke naha e hlakile.

O re kamora lilemo tse tharo tsa thomo o lakatsa ho khutla a phahamisitse hlooho hobane a etsetselitse Basotho liemahale. Mohatonyane o hlahlama Dr. 'Matumelo Pontšo Sekatle,

Khoebu Unifesithing ea Limkokwing (LUCT).

Hamorao a kena lipolitiking 'me a khetheloa ho ba Motlatsi oa Letona la Thuto le Koetliso, a boela ea ba Motlatsi oa Letona la Bophelo. O leba Belgium a tlohele botho ba paramente, moo a neng a kene ka khekhetane tlasa folakha ea MEC.

Boiphihlelong ba thuto o



ka la 11 Loetse monongoha.

Mohatonyane puisanong le Koranta ka mohala o tisisitse hore o amohetse thomo 'me o ikemiselitse ho ea tsoamela Basotho

eo nako ea hae e fihlileng pheletsong.

O suptjoa a e na le boiphihlelo bo bongata lipolitiking mosebetsing ona. O ile a qala mosebetsi oa hae e le Morupeli Lefapheng la

na le lengolo la Masters la International Management, le tsoang Unifesithing ea Nottingham le lengolo la Bachelors in Economics ho tsoa Sekolong se Seholo sa Sechaba (NUL).

Contacts: +266 28350 466 / 6260 0983 (Whats app)
Email: moeletsioabasotho@gmail.com

MOELETSI oa BASOTHO
A LOKISETSE MORINA SECHABA DE PHETHEPHELO (LAKA 1,17)

Editorial

Lesoetsa Rakubutu (Editor)
(+266) 58490670 / 62031949
editor@moeletsioabasotho.co.ls

Lehlohonolo Mohale (Sub-editor)
(+266) 58 771 507 / 62 771 507
subeditor@moeletsioabasotho.co.ls

Advertising

Thabo Lesaoana
(+266) 28 350 466/ sales@moeletsioabasotho.co.ls

Newsroom

Nthabeleng Seithleko 57 665 038/ 68 216 721
nthabeleng.seithleko@moeletsioabasotho.co.ls

Tšeliso Thakholi (Sports) 58 540 853/ 63 480 404
tseliso.thakhuli@moeletsioabasotho.co.ls

newsroom@moeletsioabasotho.co.ls

Production Desk

'Mateele Liqa, Sr. Canicia Nthunya



HO CHECHA HOA RAMO HASE HO BALEHA

Powering down to power up

Litonnoro tsa Morero oa Metsi a Lihlaba tsa Lesotho le Setsi sa Phehlo ea Motlakase sa 'Muela, li tla koaloa **HO TLOHA KA KHOELI EA MPHALANE 2024 HOISA KHOELING EA TLHAKUBELE 2025**, ka lebaka la litokiso. Nakong ena, phetiso ea metsi ho tloha Lesotho ho ea Afrika Boroa e tla emisa, 'me le Setsi sa Phehlo ea Motlakase se tla sitoa ho fehla motlakase.

RE TŠEHETSA BACHA



Tšelisó Thakhóli

Tšepo Seliane o phela Ha Foso Seterekeng sa Berea 'me ke mohlalisi oa mangangajane le meroho e omisitsoeng. O qalile ho lema mefuta e fapakaneng ea meroho masimong le serapeng sa habo ka selemo sa 2015, a

ntse a ja a boetse a rekisa. O ile a boela a lema lifate tsa liperekisi a rekisa sethopo sa tsona le ho betla mangangajane.

Mosebetsing ona oa hae o ile a fumana chelete e ileng ea mo khotatsa a bona hore ka temo a ka tseba ho iphelisa a sa hiroa, a ba a hlokomela hore lifate tsa litholoana li ka mo tliset-sa katleho e khohlo h'a etsa mangangajane. Ngoahola-kola o ile a lema mefuta ea lifate tsa liapole tse ileng tsa atleha haholo, a ba a

etsa mangangajane a tšela ka makhethe lipolasetiking a isa 'marakeng ho rekisa. Ka thoko le meroho e omisitsoeng le mangangajane, o boetse o ile a lema mokopu oa butternut masimong o ileng oa atleha haholo.

Tokiso ea mobu

T'sela moiteli masimong nakong ea mariha e be oa phethola, e le hore likokoanyana le tsohle tse ipatileng ka mobung li tle li shoe ke serame ka lebaka la ho phethola, ebe mocha ea khabane ha u qeta oa

tetsa. Jala butternut ka khoeli ea Pulungoana.

Mokhoa oa ho jala

Mocha oa heso ha mobu o se o lokisitsoe, bophara pakeng tsa mela e be 1m, pakeng tsa lijalo, arola ka 50cm. Sebelisa digging fork ho hlaba moo peo e tla kena teng, hlaba ka thupa botebo ba 3 ho isa ho 6cm ebe o tšela monontša oa 2:3:2(22) sebakeng sa ho metha sebelisa sekoahelo sa lithara, ebe o tšela likoahelo tse peli tse tšetseng manyolo ka sekoting seo o qetang ho se

etsa koahela ka mobu. Arola ka bophara ba 3cm ho tloha monontšeng etsa mokoti oa 2 ho isa ho 3cm jala mokopu tšela mobu empa e se o mongata. Hlaola hang ha lijalo li hlahile hobane lehola ha le hlokahale ho hang.

T'sebetso

Nakong eo ke jalang meroho kapa mokopu ke sebet-sa le bacha ba bahlano bao ke ba hirang ha nakoana le hoja ke e-na le ba babeli bao e leng ba nako eohle. Haele mokopu ke o kotutse ka khoeli ea Tlhakubele, 'me ke fumane mekotla e 500. Bakeng sa ho kotula mokopu u sebelise sekere se faolang lifate ho poma e le hore khono e sale ho qoba ho senyeha.

'Maraka

Ke o rekisetsa bahoebi ka ho fapakana ba fepelang likhoebo, lipetlele le batho ka bo-mong.

Khothaletso ho bacha Ke khotaletsa bacha ho kena ka matla temong, ba ikamahanye le liphetho tse bang teng tse kang tsa ho sebelisa lipeo tse ntlafal-itsoeng le ho lokisa mobu. Ba kopane le basupisi ba temo ho ba tataisa tšebet-song ena ea temo. Temo ke bophelo bacha ba heso, 'me ka eona le ka tseba ho phela.



BNP e ema le sechaba

Nthabeleng Seitlheko

Komiti ea Phethahatso ea Mokha oa Sechaba sa Basotho (BNP), e re ha ho mohla e tla tšaba ho ema lehlakoreng la sechaba hobane ho hatikeloa litokelo tsa sona tsa mantlha tsa botho le ho loanela hore ba utloisitsoeng bohloko ba nkeloe likhato tsa molao. Tsena li hlahelletse 'mokeng oa bo-ralitaba, oa la 10 Loetse monongoaha.

Moetapele oa BNP Machesetsa Mofomobe, o bontšitse hore BNP e ka lehla-koreng la bohanyetsi, 'me ba na le maikutlo a bona litabeng tse amang sechaba. A re ha joale ho se ho e-na le tloaelo ea masole a lumelang hore a sireletsehile h'a le haufi le busi ebe a hloko-fatsa sechaba.

H'a hetla morao nalaneng ea Lesotho mabapi le lietsahala tsa selemo sa 2017 ho fihlela 2020, o re ka nako eo masole a ne a hloko-fatsa sechaba. A re BNP ha e ne e le pusong e ne e loane ka matla hore molao o sebetse holima beng ba liketso tse mpe tsa lilemo tsa 2015 ba beoe kapel'a Makhotla a Molao, 'me ba neng ba belaeloa ba ile ba lleloa ke litšephe.

O re ho na le banna ba masole ba ileng ba koeteloa, ba khakhatheloa lefu le ho fopha mali 'me ha ba e-šo shebe mang kapa mang ba ile ba ema ka maoto hore bao ba abeloe toka. A re ba ne ba etse letlole la pokello ea lichelete hore ho



thusoe ba malapa ao 'moho le a neng a le palehong ka nako eo.

O itse ba eme qhooeng ho ba khahlanong le ho koeteloa le ho khakhathoa ha batho ho etsoang ke masole. O re ntho e bohloko ke hore morao tjena Basotho motho eo ba mo ratang leha ho ka hlaha litaba life kapa life tse mpe ka eena b'a mo sireletsa. A re bona ha ba na ho tšaba ho supa liphoso tsa 'muso empa le teng ha ba entse hantle ba tla ba phaphatha mahetla. "Tona-Kholo e teng ha joale e fetotsoe sejana sa khauta ke ba pela hae, ha ho buoe letho le lebe ka eena" ke Machesetsa eo.

O re ha se khale moo ba neng ba bitsi 'moka oa baphatalatsi ba litaba, ho makalla

polelo e neng e etsoe ke Tona-Kholo eo a neng a re masole a etse sohle ho loanela naha ho felisa litlole tsa molao, 'me mona o bontša tšekamelo ka sesoleng o tlohetse sepelesa. O re kamor'a polelo eo ho fihlele nako joale ea moo masole a kakatang sechaba le metebo e meng ea sesole e fetohile setsi seo ho khakhathoang batho le ho ba hloko-fatsa.

Ha joale liketso tse seng li entsoe ke masole ke hore ka la 4 Phato monongoaha a ile a khakhatha batho toropong ea Hlotse, ka la 17 Phato monongoaha mapolesa a Ha Mabote a khakhatha batho, ka la 25 'Mesa monongoaha ho ile ha khakhathoa batho Liphakong 'me linyeoe li butsoe. A re beng ba liketso tsena leha ba

ka lumela hore mobusi ke oa bona ba tla tšoaroa ka letsatsi le leng.

Ho bile le ketso e nyarosang haufinyane moo ho ileng ha khakhathoa banna ba babeli ba Khokhoba ba ba bolaoa, moo tlaleho ea ngaka e supang ha e mong oa banna bao lehetla le tsoile, mali a tsoetse ka mpeng, a robehile likhopo empa se utloisang bohloko ke hore e mong oa banna bao o ne a sa phele hantle ka hloohong.

Kajeno litho tse ling tsa Letšolo li binela lipolao tsa batho, ba li tšehetsa, ka hona Mohlomphehi Samuel Matekane a tsebe hore qetelong o tla hloka sechaba ha se ntse se bolaoa 'me le ona ma RFP a tla kenella litabeng tsena. A re ba eletsa Tona-Kholo

ho fetola tsela ea ho loantša litlole tsa molao ka hore mapolesa a nelehetsane tšebetso le sesole.

A re tlolo ea molao ha ba e batle e lokela ho loantšoa hantle, ka hoo ha Basotho ba hloko-fatsoa ba tla ema le bona kaha ho se molao o lumelang seo. O re beng ba liketso tsena, ba tsebe hore nako ke moahloli, ebile masole h'a na matla a ho ahlolela sechaba lefu.

O thatisellelitse litaba tsena ka hore Mookameli oa Sepelesa oa ha joale a se ke a kenella liketsong tsena, empa a lumelle mapolesa a fuputsa linyeoe, 'me a sebetse liketsahalo tse bileng Leribe le tsohle tse amanang le ho khakhathoa ha Basotho.

O itse mekhatlo e neng e ema le sechaba e shoele kaha e hapiloe ke lipolotiki tsa RFP, haholo LCN le mokhatlo oa Liakhente oa Lesotho. A re o bona eka Mokhatlo oa Liakhete o loanelang Litokelo tsa Mantlha tsa Botho le Section-2 ke eona feela e emeng lehlakoreng la sechaba.

O re ha joale tšeponyana e lerotho e sale teng Makhotle- ng ha ho buoa ka Litokelo tsa Mantlha tsa Botho, 'me ha e'a lokela ho timela.

A re ba tla loantša taba eo 'muso o e tekileng ea hore masole a ekeletsoe nako ea ho ea phomolong ka makhotla hore bahlanka bohle ba ee phomolong ba le lilemo li 70, hobane hoo e tla be e le ho itebatsa tlhoko e kholo ea bacha ea mesebetsi.

LNDC e ba mohlala

Nthabeleng Seitlheko

Ele karolo ea ho hohela bohahlauli le batseteli kahar'a naha le ho matlafatsa tikoloho, Koporasi ea Ntlafatso ea Moruo (LNDC) e lemme lifate tse 3,000 tikolohong ea Ha Tikoe, Seterekeng sa Maseru, ka la 6 Loetse monongoaha.

Lebitsong la Mookameli oa LNDC Thabang Busa, o bontšitse ba etsa sena hore ebe mehlala kahar'a sechaba ho netefatsa hore tikoloho ehlele e le bohlokoa ebile e e-na le melemo e mengata sechabeng, le ntlafalong ea naha. A re ba boetse ba kenya letsoho ho loantša litaba tsa phetoho ea boemo ba leholimo le ho thibela khoholeho ea mobu.

O re temo ena ea lifate e bohlokoa kaha ho boloka tikoloho e hloekileng ho sireletsa



lihloiloeng le ho loantša litho-loana tse tlišoang ke boemo ba phetoho ea leholimo. Hape o re ke ho baballa bokamoso ba sechaba se tlang hore se t'ona molemo tšireletsong e entsoeng ke bona. O itse LNDC e tsoile letšolo ho ntlafatsa tikoloho libakeng tsa tšebetso ka sepheo sa ho hohela batseteli kahar'a naha.

Rethabile Mdee e mong oa baokameli LNDC, o re ba batla ho bona bohle ba kenya letsoho ho boloka tikoloho e hloekile le ho nka boikarabelo ba ho sireletsa tikoloho le ho lema lifate ho thibela khoholeho ea mobu.

O re ke boikarabelo ba sechaba ho thibela tšenyeho ea tikoloho 'me ke bona ba ka thusang hore tikoloho e lule e hloekile le ho shebahala hantle kamehla. A re tikoloho ha e hloekile e fana ka bophelo bo botle, e etsa hore bohahlauli bo rate naha e joalo, ho matlafatsa moruo hobane mefuta e meng ea lifate e bohlokoa.

Matloana le metsi ke mathata

Nthabeleng Seitlheko

Baithuti ba Sekolo se Phahameng sa Mohlanapeng, Seterekeng sa Thaba-Tseka, ba seboko ke tlhokahalo ea matloana hobane ba sitoa ho boloka bohloeki hape le bophelo ba bona bo tlokotsing. Litaba tsena ba li hlalositse puisanong le Koranta ka la 9 Loetse monongoaha.

Ba re boemo bona bo ba tsoentse kaha ba ithusetsa matlapeng le likhohloaneng, hoo tikoloho e sa hloekeng ka nepo le hoja ba khotahletsoa bohloeki. Ba re ba ithusetsa le libakeng tseo ba lokelang ho ba hole le metsi kaha ba leka ho boloka metsi a hloekile empa ke bothata hobane ha pula e na mantle a ea hoholeha a tsamaea le metsi. Ba re ba belaela boemo bona bo tla qetella bo entsa hore bophelo ba bona bo botle bo amehe kapa ba sechaba se sebelisang metsi.

Ho feta mona ba bontšitse ha matloana a banana a le teng empa a se na mamati, a bile a tletse, a sa hloeka, hoo ba ithusetsang ka ho

ona a ntse a bulehile a le joalo. Ba re taba ena e ama bophelo ba bona haholo banana kaha ba lokela ho boloka bohloeki nakong eo ba ileng linakong tsa bona.

Ba re leha ba ile matloaneng moo ba etsa mesebetsi eohle ka letsoalo kaha mang le mang a ba bona, 'me taba ena e'a ba soabisa kaha banana ba lokela ho sebelisa matloana a hloekileng, ba re ba boetse ba fuoa le mesangoana ea boitlhoekiso molemong oa hore ba se ke ba lofa sekolo hobane ba le linakong tsa bona.

E mong oa litichere tsa banna sekolong sena, ea ileng a rupeloa ka litaba tsa bohloeki, Leluma Nkuebe o bontšitse hore sekolo sa habo se tjametsoe ke tlhoko e holimo ea matloana kaha bashanyana ba se na ona ho hang, ka lebaka leo ba ithusetsa mohlabaneng.

O re ngoana o nka metsofotso e 15 ho isa ho e 30 ha a e'o ithusa hoo nako ea bona ea ho ithusa e qetellang e ameha. A re lekunutu la bana ba bona ba banana le lula le le pepeneneng kaha hape le met-

si h'a eo ngoana h'a ile a hlapa matsoho hoseng, ha ho moo a hlapang teng ntle leha a fihla hae.

O re ba tsietsing ea hore baithuti ba ka qetella ba ameha ke mafu hobane bohloeki le poloheho ea tikoloho li le sieo. O re o lekile ho hlahisa taba ena ho ba amehang empa e ntse e le bothata.

"Hoa soabisa ho bona

boloka bohloeki.

E mong oa litichere tsa basali sekolong sena 'Maneo Chobokoane, o re ba tsoenyehile ke boemo bona hobane bana ba bona ba banana ba tlokotsing e kholo ea tlhokahalo ea matloana 'moho le bahlankana.

O re se bakang tlhopheho ena ke tšenyoe e bakoang ke karolo e 'ngoe ea baithuti le meea e matla. A tsoelapele ho re banana ha ba tsebe ba lahlela mesangoana ea boitlhoekiso hokae, hoo ba

loana leha ho ka hloekisoa libaka tse ling, empa e kaholimo ho tsohle ke hore bana ba hlape matsoho ha ba tloha matloaneng.

O itse tlhokahalo ea metsi sekolong sena e behile bophelo ba bona le ba baithuti tlokotsing kaha ba sitoa ho arabela lithoko tsa bona ho latela hore ba lokela ho ba koetlisetsa bohloeki joang. A re hore ba be le metsi a phehang sekolong, ba kopanela seliba le sechaba moo metsi a



ngoan'a hau oa ngoanana a ntse a ithusa ka ntloaneng, taba ena e bohloko re kopa thuso." ke Nkuebe eo.

O ipilelitse ho ba amehang hore ho bohlokoa ho ela hloko litaba tsa bohloeki likolong ho qoba mafu le ho thusa hore bana ba hole ba utloisisa bohlokoa ba ho

ee ba qetelle ba e phuthela ho ea malapeng ka eona. O re taba ena e ba tsoentse, ba se ba sitoa le hore letho ho baithuti.

O bontšitse ngongoreho e kholo litabeng tsa boitlhoekiso e le hore ba hloka metsi sekolong, ha ba khone le ho hlatsoa mat-

nkang nako e telele ho ba teng, hoo baithuti ba nkang nako e telele ebe boithuto ba bona boa ameha.

A re ba kopa batho ba ka ba thusang, hore ba ba etsetse matloana le ho ba kenyetse metsi sekolong kaha bophelo bo botle ba baithuti bo le tlokotsing.

We still have a choice

Life will always throw the good and the bad at us at any given point in time. We have a choice of how to react to the two. We may not have a choice of what happens to us in life but we are always at liberty to choose our reactions to what happens, this literally means we are always in control of how we want what happens to affect us. Therefore, the notion that people affect and impact how we feel is a fallacy, the choice is always with us. The only downside with human kind is that we choose the pain that comes with the experiences we have in life, we forget that every experience has a lot to offer; it has a lesson, which we hardly ever see because of our fascination

with the pain, we will ignore all those lessons and take our pain, be miserable and begin to look for mercy and sympathy.

We should teach our brains to focus on the positive in every situation and always remember that our life determination is purely in our hands. Often times we complain we don't have a choice we are forced to act or behave in a certain way, however, choosing to conform is a choice to which the reverse would have been refusal to adhere. We become willing participants and enablers to things we claim we don't want in our lives while we claim we have no choice. We always have a choice but the question is, what do we choose?

Teboho Matjeka
63574502/58911803



BE YOUR OWN DOCTOR

with Moses Mollatsi Ts'oeu
A Qualified Herbalist

Price
M150

- Nature's Healing Practices. Basic Education on Herbs.
- Overcome ailments with herbs. (High blood, Diabetes, Cancer, Arthritis, building immune system, Asthma, Memory loss, Heart problems, etc.)
- Planning your herb garden. Practicals (Making Herbal Tinctures, Teas Capsules, Ointments, beauty creams, etc.)

15 SEPT 2024
10AM-3PM

Venue: Emmanuel Hostel Hall
Maseru
(Opposite Manthabiseng
Converntion Center)
Lunch Will Be Served.

www.moeletsoabasotho.co.ls

CONTRIBUTION: M150.00 (MPESA/ECOCASH NUMBERS: 56123255/62178739)

Se keteka likatleho

tšehetso e matla eo ba e a boraro.
fumanang ho botsamaisi ba Maamong a pele e bile
sekolo. A phethela ka hore Sekolo se phahameng sa

Tšeliso Thakholi

Sekolo se Phahameng sa Mazenod se ketekile likatleho tsa sona kamora ho ipabola lithholisanong tsa lihlahisoa tsa temo le tsa mahlale tsa Farmers Pitso Awards tse bileng Setsing sa Liboka sa 'Manthabiseng, Maseru mafelong a beke a tsoa feta.

Lithholisanong tse neng li kenetsoe ke likolo tse 17, Mazenod e hlahile maamong a bobeli ka lihlahisoa tsa eona tse fapakaneng tse kenyeletsang hara tse ling, mangangajane, motoho, khemere, lipabi, temo, leruo la likhantši, likhoho tsa Sesotho le 'mutloanyane. Sekolo se fuoe mehope e 'meli le mpho ea chelete e kaalo ka M10,000.00, eo se tlii'o e



sebelisa ho matlafatsa lihlahisoa tsa temo.

Ho ea ka tichere e ikara-

bellang Lefapheng la Lithuto tsa Mahlale a Matsoho, Mofumahali Mary Makete bohlokoa ba morero ona oa sekolo oa lihlahisoa tsa temo le tsa mahlale ke ho otlolla thupa e sa le metsi ka ho holisa ngoana mafapheng a fapakaneng a bophelo. A re ba thusa barutoana hore leha ba ka ruteha kapa ba fella feela sekolong se phahameng, ba tle ba tsebe ho itšoarela ka matsoho.

A re seo ba ba fang sona ke lihlomo tsohle tsa bophelo tsa hore ba tle ba tsebe ho iphelisa leha ba se ba phethetse lithuto tsa bona koano sekolong se phahameng. A tiisa hore katleho ena ba e fihletse ka lebaka la tšebeliso 'moho e mofuthu e le litichere le

taba-tabelo ea bona ke hore isao ba batla ho hlaha boamong ba pele, ha ngoahola ba ile ba hlaha maamong

Masianokeng, bobeling sa Mazenod, borarong ea e-ba Mohale's Hoek, ha boneng e bile Qhomane.



MAPOTENG MATHS ACADEMY ONLINE TEACHING AND LEARNING PROGRAMME

LGCSE, CIE, IB, SA MATRIC, ADVANCED SUBSIDIARY AND ADVANCED LEVELS...AND MANY MORE!

REGISTER NOW!!

W/C: 62704012



Now helping students from Lesotho, Swaziland, Botswana, RSA, ...with our topnotch online classes!!! Our goal is to cover the whole world...!!!

Ba itela bootloane

Nthabeleng Seithleko

Mohlanka oa Setsi sa Tlhabollo ea Batšoaruoa (LCS) o re Komisi ea Lipatlisiso e mabapi le ho thoba le ho khakhatoa ha batšoaruoa e ts'oarele bahlanka ba LCS ba neng ba le tšebetsong nakong ea ho hlokofofatsa ha batšoaruoa. Litaba tsena li hlaheletse tulong ea komisi ka la 9 Loetse monongoaha.

H'a tsoelapele ka bopaki ba hae ka pel'a komisi Leboneng Moqechi e leng oa ba neng ba le koetlisong, o ananetse hore ha b'a sebetsa hantle tlhahlobong e etsahetseng ka Tšitoe, ngoahola. Ka hona a re o sitoa ho nka mahlakore, kaha bahlanka bao b'a tseba ha ba entse hantle le hampe. A re hae-ba komisi e tšoare phafa e qale kaholimo ho bookameli hobane bahlanka ba hlokofofatsa batšoaruoa boteng ba bona.

"Lerekoruti ke ntho e tsamaisoang ka phala feela, 'me ha ho ne ho na le ntho e sa tloaelehang, e etsahalang ho ne ho se na ho nka motsotso hore mosebetsi o emisoe, ka hoo boikarabelo bo lokela ho oela holima bookameli, bo tle ho bohanka qetellong." a rialo.

A hlalosa hore ha komisi e ka sebetsa ka toka ha ho na



ea tlang ho phonyoha hobane se etsahetseng se sebe. A eketsa ka hore bobona bo feteletsoa ke hore bao liketso li entsoeng ho bona ke bana ba habo bona le baamani 'moho ka litsela tse fapakaneng.

"Hoa lokeleha hore re kope tšoarelo lebitsong la bana ba habo rona bohle kaha bohle re ne re le mosebetsing, 'me re kopa hore komisi e re shebe ka leihlo la mohau." A rialo.

O ipilelitse ho bookameli ho hlaloba taba ea koetliso ka kakaretso, ka ho hetla morao nakong ena eo setsi se seng se bitsoa sa 'Tlhabollo ea Batšoaruoa' papisong leha se ne se bitsoa 'Chankana', moo a bontšitseng hore ho na le sekheo se seholo lipakeng.

A eketsa ka hore ho ke ho lokisoa libuka le batho ba koetlisang ba hlahlelloe ka malebela ho koetlisa mofuta eohle ea batšoaruoa. O itse ho hloka hlahla mekhoha ea koetliso ea morao-rao e seng ea khale hobane ba se ba sebetsana le batšoaruoa ba rutehileng, ba bohlele ho ba feta esita le ba ruileng 'me ho sebetsa le batho ba joalo ho se litsebo ho tšisa qholotso e kholo.

A re ke 'nete ba lokela ho koetlisoa empa mofuta oa koetliso oo ba o koetlisoang o fetola seo motho a leng sona kaha o ntša botho ba motho, e tsamaea le likomang le mahlapa. O bontšitse

hore koetliso eo ha e monate, 'me bohloko ba eona bo ntse bo bokellana holima bona ke ka hoo ba bang ba itšoarang ka tsela e itseng.

Ho sa le joalo, mohlanka e mong oa LCS Tšepo Nthafa, o itse ba ne ba sa laeloa ho shapa batšoaruoa empa ba entse seo ka boikhetlo ba bona, 'me a ananela hore ba sebelitse hampe.

A re bookameli ba bona bo hlolele ho fana ka matsoho a lekaneng papisong le tšebetso eo ba ileng ba e etsa ka khoeli ea Pulungoana selemong se fetileng. A re bohlasoa bo bile bongata haholo tšebetsong ea bona, 'me kapel'a komisi a kopa tšoarelo lebitsong la

bahlanka ba 113 ba neng ba le koetlisong, hobane matsoho ho lutla a sebetsang.

E 'ngoe ea lipaki tse bileng kapel'a komisi Sentle Borotho, o itse e 'ngoe ea liofisiri tse khole e ile ea laela hore bahlanka ba Litsi tsa Ts'ireletso ba e-s'o qete koetliso ba khakhathe batšoaruoa empa ba ba khakhathele ka matlong ao ba lulang ho ona e le hore ho se be le motho ea ba bonang.

O re o ile a fihla kahare ho setsi se seng sa tlhabollo ea bats'oaruoa moo motšoaruoa e mong ea neng a thusitse ba bang ho thoba ka setsing, a khakhathiloe hampe a bile a se na matla.

Ho sa le joalo, Molula-Setulo oa Komisi Moahloli Realeboha Mathaba o bontšitse hore bahlanka ba ne ba sa lokela ho nka lithupa ha ba apere seaparo sa tšebetso kaha ho e-na le tokomane e pakang litaba tseo.

A re ba ne ba lokela hore ebe ba nkile 'donfa' ka hona bahlanka bao ba hlotsoe ho phetha boikarabelo ba bona ba ho sireletsa batšoaruoa nakong eo ba boneng ba hlokofofatsa ke ba bang.

Ho ba itseng ha bona ha batšoaruoa ba otloa, ba mpa ba utloile liboko feela, o itse ba ne ba lokela hore ebe ba ile ba nka boikhatatso ho bona hore na sesosa sa litaba tseo ke sefe.

40% ea Basotho ha e tsebe ho bala

Nthabeleng Seithleko

40% ea Basotho e hlalosa e tobane le qholotso ea ho tseba ho bala le ngola puo ea letsoele ka nepo, kaha ho bana ba 10 ba robeli ba ithuta puo eo ba sa e bueng lapeng. Litaba tsena li boletsoe ke Letona la Thuto le Koetliso Professor Ntoi Rapapa, ha fana ka molaetsa mabapi le letsatsi la lefatše la ho tseba ho bala le ho ngola, ka la 9 Loetse monongoaha.

O re taba ena e etsa hore bana ba fihlele lilemo tse 10 ba sa tsebe ho bala le ho ngola. A re ba ka thabela ha bana ba phelang libakeng tse fihlelehang ka thata ba ka ithuta ho sebelisa puo ea letsoele haholo ho bala le ho ngola, kaha hoo ho baka tšitiso litabeng tsa palo ea tharo ho 'ne (3/4) ea bana linaheng tse ntseng li thuthuha moruong, ha e tsebe ho bala le ho ngola. O re sena se bolela hore ho ntse ho e-na le palo e ka holimo ho 700 milione ea batho ba baholo ba ntseng ba sa tsebe ho bala le ho ngola lefatšeng ka bopaha-

ra, 'me palo e holimo likhakan-yong tsena ke ea basali.

O tsoetsepele ho re batho ba ithutang ka puo eo ba sa e tsebeng ha ba fumane molaetsa o nepahetseng, 'me sena se bolela hore e qhelela bochaba kathoko. A re taba ena e boetse e bolela hore batho bao ba ke ke ba una melemo e tlišoang ke thuto.

Ho latela liphuputso, melemo ea ho fetisa thuto ka lipuo tse fapakaneng e hlakile, hobane e thusa kutloisisano lipakeng tsa bochaba bo fapakaneng le ho khothaletsa khotso le kutloano lipakeng tsa lichaba. Lebaka la sena ke hobane puo ke borokho ba ho buisana le ba bang, e kopanya bochaba bo fapakaneng, e thusa batho ho utloisisa lefatše ka hona ho molemo le ho khothaletsa kutloisisano lipakeng tsa batho. Ha bana ba fumanang thuto ka puo ea letsoele, boholo ba bona ba thahasella sekolo, ba ithuta ho nahana ka tsela e lokelang ha bana ba lulang libakeng tse ka thoko le litoropo bona ba tšoarella likolong.

A re ena ke e meng ea meoloane e phuthetsoeng ke likhothaletso tsa Mokhatlo oa Machaba Litabeng tsa Thuto, Mahlale, Bochaba le Bophatlalatsi (UNESCO) litabeng tsa thuto ea khotso, litokelo tsa mantlha tsa botho le ntšetso-pele ea moshoelella. Likhothaletso tsena li ne li lumellanoe ke linaha tseo e leng litho tsa UNESCO ka la 23 Pulungoana selemong sa 2023, 'me li lutse haholo litabeng tsa tšebeliso ea lipuo tse fapakaneng ho fetisa thuto mol-

emong oa ho khothaletsa kutloano kahar'a sechaba.

Rapapa o fane ka molaetsa o ikhethang oa Mookameli-Kakaretso oa UNESCO Audrey Azouley, mabapi le letsatsi la machaba la ho tseba ho bala le ho ngola monongoaha.

Letsatsi lena le tšoaoua ke machaba ka la robeli Loetse selemo le selemo ho tloha ka selemo sa 1967. Leha ho le joalo, Lekala la Thuto le Koetliso, le tla le tšoauea le ho le keteka ka la 26 Loetse monongoaha, Seterekeng sa Mafeteng Tikolohong ea Likhoele.

se e le nako joale UNESCO e tšehetsa merero ea thuto ea ho tseba ho bala le ho ngola ka lipuo tse fapakaneng ka ho tšoaara lithupelo linaheng tse bohareng ba Afrika. Naheng ea Cameroon, e tšehetsa morero oa ho hapella lipuo tsa naha eo kahar'a lenane-thuto.

Monongoaha letsatsi la machaba la ho tseba ho bala le ho ngola le tla tšoaoua le ho ketekeloa hona Naheng ea Cameroon, e le e 'ngoe ea linaha tse nang le lipuo tse ngata lefatšeng.

o itse bohle ba nke boikarabelo la libakeng tsa thuto eka-ba mekhatlo ea sechaba le mafapha a 'muso, ho amohela molaetsa ona le ho o kenya tšebetsong hobane naha e na le leano la lipuo phetisong ea thuto le bitsoang Language Education Policy.

E le boiteko ba ho hlola qholotso ena, mohoo oa monongoaha oa letsatsi la machaba la ho tseba ho bala le ho ngola o re: "Ho khothaletsa thuto ka lipuo tse fapakaneng: Thuto ea ho tseba ho bala le ho ngola molemong oa kutloisisano le khotso."



Tlhokomelo Naheng ea Kenya



na litsebo le Basotho mol-emong oa ho holisa moruo oa naha ea heso. Ho latela tlaleho ea Lekala la Temo, Kanetso ea Lijo le Phepo e Nepahetseng, Lesotho le na le lipoli tse ka bang 600, 000, linku tse 1.7 millione le likhomo tse 650,000 ka hona khoebo ea letlalo e na le bokhoni bo boholo.

Ke liqholotso life tseo u ileng ua kopana le tsona Kenya?

Joaloka mosali oa Mosotho tse ling tsa liqholotso li kenyeletsa melao le tsamaiso, hape ke ne ke sitoa ho fumana lithuso ho tosa 'musong kaha li ne li fua sehlopha se itseng sa batho. Ho feta moo ho aha likamano tse ntle le bareki

Ka ho phehella kahar'a mathata le liqholotso tse ngata ke ithutile lintho tse ngata haholo tse amanang le letlalo le lintho tsa se-joale-joale, empa seo nka se qollang ha joale ke hore ke kahar'a batho ba 15 ba qhothisanang lehlokoa ho Real Leather Stay Different 2024 Africa Competition.

Lihlahisoa tsa ka li itšetle-hile haholo ka setso sa heso sa Lesotho, mohlala mokotla oa rona oa 'khetsi' o tšoa-na hantle le oa lingaka tsa setso. E meng ea mekotla e na le mokorotlo o bontšang moetlo oa Basotho.

Ho basali ba ratang ho qala khoebo tseo e leng tsa bona nka ba eletsa ho ba le kutloisiso mabapi le lito-

Staff

Mothehi oa khoebo e etsang mekotla ea letlalo e bitsoang Tlhokomelo Mofumahali Paulina Mokhothu Ogolla, o re o ile a qholotsoa ke ho bona hore Naha ea Kenya e reka 90% ea matlalo linaheng tse ling. A hlokomela hore haeba ho ka etsoa matlalo kahara naha ho ka thehoa mosebetsi e ka bang 50, 000. Mokhothu ke letsoalloa la Lesotho le ileng Kenya ka selemo sa 2006, kamora ho lumellana ka lenyalo le mohatšae.

O re ha joale o etsa mekotla feela hobane nakong eo a qalang khoebo o ne a se na matla a lekaneng ho etsa lieta kaha li hloka chelete e ngata. Tsena tsohle o ithutile tsona ka mekhoha e mengata empa e bobebe joaloka ho shebella YouTube le lithuto tse khutšoane.

U na le morero ofe mabapi le ho atolosa 'maraka?

Tlhokomelo e etsa lintho tse latelang ka letlalo, mekotla, mabanta le lintho tse nyenyane tse tsoang letlalolong le setseng ha ho se-

hoa. E le ho atolosa re ntse re etsa lipatlisiso mabapi le lieta le lintho tse khabisang ka tlung. Ha joale re sebelisa mechini ea beng ba ona eo ka nako e 'ngoe e liehang, 'me ho hlola qholotso ena re rerile ho koetlisa batho ba bangata ba tla re thusa ho fihlela bareki ba batlang lintho kapele matsatsing ana. Taba e kaholimo ho tsohle ke ho etsa lintho tse tla hohela bareki ba shebileng bothata le ntho e nkang nako e telele.

Mokhoa o mong oa ho atamela 'maraka ona o holang ka potlako oa sejoale-joale, re rerile ho etsa batho ba bang, hape re batla ho sebetsa 'moho le bohle e le ho

holisa litsebo le ho arolelana malebela. Ntlheng ea ho sebetsa le sechaba re sa le qalong empa re batla ho thusa sechaba ho bapatsa lintho tsohle tsa setso. Re tl'o fana ka boikoetliso ho matlafatsa bohle, hape re tl'o sebetsa le Mekhatlo e Ikemetseng le e meng ho sireletsa tikoloho.

Ha joale re Nairobi, Kenya empa ha nako e ntse e-ea re tl'o eketsa makala a mang a mabeli Kisumu le Migori.

Ana u ka rata ho tlisa khoebo ea hau Lesotho kapa libakeng tse ling?

Toro ea ka ke ho khutlela Lesotho ho il'o qala khoebo e tšoanang le ho arolelana



bao e seng ba heno ha ho bonolo ho hang, ke ile ka tlameha ho kena mekhatlo e meng ea chelete joaloka SACCOs. Ho fihlela ka khoheli ea Tlhakubele monongoa ha ke ba moahi oa Kenya ka molao.

Ha ho leeto le hlo-kang likatleho

ro tsa bona, hape ba ithute 'maraka oa seo ba ratang ho se rekisa. Se ka emelang ho ba le chelete e ngata, empa qalang ka seo le nang le sona, itahlelang ka setotsoana linthong tse amang le khoebo le ahe likamano le batho ba nang le litoro tse tšoanang le tsa lona.





TSA KEREKE

1,600 e'a amohela



Staff

Balumeli ho hla-ha ka likhoroana tsohle tsa lefatše, ba ka bang 25,000 ho kenyeletsoa le bana ba 1,600 ba ile ba amohela Sakramente ea Eukarise lekhetlo la pele, Sehlabelong se Halalelang sa 'Missa se neng se bula Kopano ea Machaba ea Eukariste e bileng Quito, Ecuador ka la 9 Loetse 2024.

Sehlabele sena sa 'Missa se ne se eteletsoe pele ke Mobishopo Alfredo Jose Espinazo Mateus, eo khotatsong ea hae a boleletseng bana ba neng ba amohela hore letsatsi leo ke la mokete, 'me ke le holo bophelong ba bona.

"Khopotso ena e tla lula e ngotsoe lipelong tsa lona bophelo bohle, 'me le tla atleha ho bua ka kholiseho hore le barumuoa ba Eukariste, ba Kereke ea rona ea Quito, 'me le hote le tseba hore le bilelitsoe ho aha mokhatlo oa bana ba motho, ho qala ka malapa a lona." A rialo.

H'a bua ka sehloho sa congress, "Fraternity to Heal the World," o ile a bolella bana hore kaje-no ba keteka hore Jesu Kriste motsoalle oa bona oa hlooho ea khomo le oa bohle o teng Sebopelong sa Bohobe. A re bana ba bule lipelo tsa bona ho mo amohela ka thabo e le hore ho kopana le eena Eukaris-

teng eo ba e amohetseng lekhetlo la pele ba tsebe ho arolelana, ho lora, ho leboha, ho tšepa le ho hlompha ba bang.

A arolelana molaetsa o rometsoeng ke Mopapa Francis le bana. "Ho amohela Eukariste lekhetlo la pele ho bolella ho batla ho ba haufi le Jesu Kriste letsatsi ka leng, ho holisa setsoalle le eena le hore ba bang le bona ba ka thabela thabo eo a batlang ho re fa eona. Morena o hloka hore o tsebe ho etsa mohlolo, hore thabo ea hao e fihlele ba bangata ba lelapa la hau le metsoalle."

A qetella ka ho mema

sechaba sa bakriste hore se kope Morena Molimo ho etsa bophelong ba bona mohlolo oo a o entseng ka monna ea sa utloeng litse-beng ea neng a sitoa ho bua hantle. "E se eka lipelo tsa rona li ka lula li bulehile, empa ka holimo ho tsohle litsebe tsa rona ho utloa sello sa bohloko ba lefatše lohle, sello sa ba mahlomoleng le sello sa mafutsana, 'me e se e ka rona, ho tloha Eukaristeng, re be barumuoa ba 'nete ba ho folisa le ho etsa mohlolo oa hore bohle re be ntho e le 'ngoe." A rialo.

-CNA-

Thapelo ea Basotho

'Mopi, Hlahlamacholo, Ramaseli, Rammoloki Atla li maroba, Atla li marotholi a pula, Atla li tsoeu tsa Rammoloki, Li tsoeu ke ho bopa masea, Hobane bohle re 'mopo le mosebetsi oa matsoho a ona. Hlahlamacholo hlahla metsi o'a etse keleli ea sehla sa Mariha, Hobane ka keleli u nchafatsa lichaba teng, Lichaba li tsoang ho uena 'mopong, Li tlang ho boela ho uena meahong. Ba meolimeololo, ba lumang lingope ho theleha. Ntšang tsoeu le nehe 'Mopi le tle le bone ha 'Mopi o thaba, Hobane Baholo-Balimo bona ba thabela likhalapa. Ba re ho be ho soeu, ho be malola, Ho be hele-hele pele le morao. Ho iloe kae ke Bo-ntate-moholo le Bo-nkhono ho sa keng ho khutloa, Ho iloe ha sekoti ha se tlale. 'Maakane joo! Ka 'Mopi ra le bona.

'Mopi oa Ramosholu-shololo litsohali Bo-nkhono ke bana ba labalabela matlala. Matlala b'a bona ka'ng a anetse, b'a bona ka ho theha mekhanya liphatleng tsa bona. Malataliana-tsela ngoana Rae e moholo ke mang, pitsana ha e na khobe, le e 'ngoe ha e na khobe. Qhaqholla u re qiti! Moshanyan'a sankatana le kholumo-lumo. Ho iloe kae ke bo-Mmabana, ba ile masimong.

Ba siile masea ka liotloaneng. Liotloana tseo ha li hole li sireletse masea. Ka bona Bo-ntate-moholo le Bo-nkhono ba lutse ka shoalane mollong le litlohotloholoana tsa bona ba li etsetsa litšomo tse monate;

Bo-limo le Tselane ka ba ka utloa ha ba ba etsetsa lilotho tse monate; bo-mmenthele o hlotse baruti.

Leseli Khanya!

2023-2024 SELEMO B

Sontaha sa 24 har'a selemo

Isaia 50,5-9

Pesalema 144

Jakobo 2,14-18

Mareka 8,27-35



Khothatso

Beha kelello holim'a tse halalelang

Thutong ea Pele le hlokomela hore Isaia o behile mohopolo oa hae litabeng tsa Morena, 'me joaloka moemeli oa Morena molomong oa hae ho tsoa mantsoe a boprofeta mabapi le mahloko le lefu la Morena Jesu tse neng li tla etsahala nakong ea lilemo tse 750.

Nakong ena Isaia o bua mantsoe ao le ka a bapisang leha Morena Molimo a romela Mor'a hae joaloka Messia. Mona le bona boikokobetso ba Morena Jesu ka ho se be khahlanong le taelo ea Molimo Ntate. Mahloko ohle a Kriste le tla a hopola hantle Evangeling ea Matheus moo a reng; "Ba bang ba mo tšoe-la sefahleho 'me ba mo otl'a, ha ba bang ba ile ba mo jabela." (Matheus 16:67) Le hopola hantle lithapa tseo masole a ileng a mo rohaka ka tsona, "Profeta hore na ke mang ea u utlileng akere u Messia." Matheus 16:68)

Ka mantsoe a hae a boprofeta le bona hantle hore Isaia o na tletse Moea o Halalelang, 'me mohlala ona oa tumelo o le bolella hore ha le ka fa Morena lipelo tsa lona le tla ithabela ka likamano tse monate le eena joaloka Isaia. Ha motho a beha pelo ea hae linthong tse halalelang, Moea o Halalelang o mo nyanyeletsa ho etsa Thato ea Morena molemong oa hae le oa Kereke.

Jakobo Thutong ea Bobeli o bua ka taba ea tumelo, tumelo ke'ng? Ana ke ho lumela ho Jesu Kriste feela molemong oa pholoho le ho phomola bophelo bohle? Kapa ke tumelo e batlang motho ea behang pelo ea hae ho tsohle tse halalelang? Ka ho ea ka Jakobo ho thusa'ng ho ba le tumelo e hlokang mesebetsi, na tumelo e ka u pholosa?

Ho thusa'ng ha le bona ngoan'abo lona ea hlokang le sa itsoenye ka ho mo thusa? Hoo ke ketso ea tumelo? E lekana le lerato leo Kriste a neng a e-na le lona ho batho?

Batho ba ne ba e-na le kelello tsa lintho tsa Morena, joalokaha Evangeli e bolela karabong eo barutuoa ba ileng ba e fa Kriste h'a botsa hore na batho ba re ke mang. Ka ho tseba ho bapisa mesebetsi eohle ea hae le ea Joannes Mohlatsoi, Elia le e mong oa baprofeta. Peterosi o ile a re, "U Messia." 'me karabo ena ea hae e bontša hore mohopolo oa hae o ne o se feela linthong tse halalelang, empa grasia ea Morena e ne e sebetsa ho eena ka matla a Moea o Halalelang. Hobane ha ho motho ea ka tsebang linnete tse halalelang ntle le ea nang le Moea o Halalelang.

Kamora moo Kriste a qalella ho ruta hore Mor'a Motho o tla fetatlasa mahloko a mangata 'me a furalloe ke baholo, baprista ba baholo hofihlela a bolaea empa o tla tsoha kamor'a matsatsi a mararo. Peterosi a fofalitse ke litaba tsa lefatše a nkela Kriste kathoko 'me a mo khalema. Morena a mo fetola, "Tloha ho 'na Satane, hobane ha ua beha mohopolo ua hau linthong tsa leholimo."

Mona le bona bofokoli ba motho, joale o sa tloetse ho phela tumelong 'me o sa khutlela mekhoeng ea hae ea khale. O tloela litsela tsa Morena kamor'a hore metsoalle, maruo, botumo le menate e behe bophelo ba hae ba lefatše tsietsing. Hore motho a tsebe ho phela hantle ka tsa moea o lokela ho amohela Moea o Halalelang ho phela ka ho eena, a itele, a nke sefapano sa hae 'me a latele Morena Jesu. Hobane bohle ba ratang ho pholosa bophelo ba bona bo tla ba lahlehela, empa ba lahlehelolang ke bona molemong oa Evangeli ba tla bo pholosa.

Bana beso na likelello tsa lona li linthong tse halalelang? Ana le phela tumelo e behang litholoana tse halalelang?

Bahalaleli har'a Beke

- 16 Loetse Eugenia
- 17 Loetse Justin
- 18 Loetse Eumenes
- 19 Loetse Peleus
- 20 Loetse Candida
- 21 Loetse Gerulph

Mokhethoa oa Chess Budapest



Tšeliso Thakholi

Mokhethoa oa Lesotho oa papali ea Chess o bopiloeng ka bahlankana ba bahlano le baroetsana ba bahlano o tlohile kahare ho naha ka 'Mantaha bekeng ena, ho leba Budapest, Hungary moo o il'o bapala lipapali

tsa Mohope oa Lefatše tsa Chess ho tloha ka la 10 ho isa la 23 Loetse 2024.

Sehlopha sa bahlankana se bopiloeng ka khalala ea papali ena, Tshephe Lebajoa, Mphane Thabang, Sechaba Khalema, Karabo Mokete le Motlomelo Liholela. Athe baroetsana bona ke Lieketseng Ngatane, Bonolo Ntsielo, Nteboheleng Thet-

sane, Lintle Molise le Boitumelo Sethabathaba. Liofisiri ke Phera Moseli, Mphetole Mona, Tšeliso Motloheloa le Tlhoriso Morienyane.

Pejana libapali tse na li leba Naheng ea Hungary li ne li ile tsa chorisa boitokiso ba tsona ka ho hapa litholisano tsa ho qetela tsa matsatsi a mabeli tsa Mohope oa Basotho Year Opener Chess Tournament, moo Sechaba Khalema a ileng a hlaha maemong a pele ka 5.5/6 ka ho banna. Ha ka ho basali Lieketseng Ngatane le Bonolo Ntsielo ba ileng ba bapala ka ho lekana ka 5.5/6 motho ka mong, 'me ba hlaha maemong a pele, bobeling ea e-ba Boitumelo Sethabathaba.

Raliphatlatso oa Mokhatlo oa Lesotho oa Papali ea Chess(CFL), Monghali Khiba Selatela

o boletse hore litholisano tse na ke tse kholo ka ho fetisisa lefatšeng tsa papali ea Chess, 'me lihlopha tsa lefatše tsa Chess li il'o nonyana matla li shebile ho hapela linaha tsa habo tsona likhau tse ngata. A re sena ke monyetla o moholo ho libapali tsa Lesotho tsa Chess ho hlohlisa le liba-

lipapaling tse na ba e-na le boitšepo ba hore ba il'o sebetsa ka thata ho tla le limentlele kahare ho naha. Ba ipiletsa ho sechaba sa Basotho ho ba beha mera-pelong.

Barati ba papali ea Chess kamora litholisano tse na tsa ho qetela tsa boitokiso ba Mokhethoa oa Naha oa



pali tse hloahloa tsa linaha tse ling tsa lefatše. A tiisa hore sena se boetse se tliil'o ba ekeletsa litsebo le boiphihlelo papaling ea Chess.

Ho ea ka likhalala tse na litholisano tse na tsa ho qetela, li bile bohlokoa haholo kaha e bile sekala se setle ho tsona kaha ba lebeletsoe hore ba tlele Lesotho tlhoho. Ba re ba leba

Chess ba bontšitse khotsofalo e kholo ke tsela eo libapali tse na li bapetseng ka eona. Ba bontšitse hore ho tloha sethathong haesale ba sebetsa ka boitelo e leng a mang a matšoa a supang hore ba tliil'o tla le tlhoho. Ka hona ba ba lakaletsa ho boea le marumo. Ke linaha tse 197 tsa lefatše tse kenetseng lipapali tse na.

E khetha mokoetlisi

Tšeliso Thakholi

Botsamaisi ba Sehlopha se Seholo sa Bolo ea Maoto sa Limkokwing University of Creative Technology Football Club(LUFC), se khethile Mokoetlisi oa Sehlopha sa Naha sa Basali, Monghali Shalane Lehohla eo e kileng ea e-ba mokoetlisi oa Swallows, e le mokoetlisi e mocha oa sehlopha bakeng sa selemo sa lipapali sa 2024/25.

Ho ea ka Mookameli oa Sehlopha sa LUFC, Monghali Tokelo Mosia khalala ena ea mehleng ea LCS e bile e kile ea e-ba seba-pali sa Sehlopha sa Naha sa Likuena, o se a qalile tšebetso ea hae kahare ho sehlopha. A bontša hore setumo sa mosebetsi oa hae o tsoileng matsoho, o etsang libapali tse nang le

hlomphe, boitšoarong bo botle le ho ba le lerato la papali ea bolo ke tsa tse ling tse entseng hore a tšepeloe ho etsa mosebetsi ona kahare ho sehlopha.

A re o filoe mosebetsi ona ka liphelelo tsa ho aha sehlopha ho fihlela a se fihlisa kahare ho lihlopha tse robeli tse kaholimo lokong ha selemo sena se secha se fihla pheletsong isao. Lehohla o lebeletsoe ho sebetsa le bakoetlisi Benghali Mohaila Letseka, Tumisang Sootho le Seidu Kassum kamora hore ba arohane le Mokoetlisi ea ileng a sebet-sa ka thata ho beha sehlopha kahare ho Liki e Kholo e leng Monghali Ntlaloe Daniel Ntlaloe. Boraro bona haesale e ntse e le bakoetlisi ba LUFC ho tloha ha e qala ho kena Liking ea Lihlopha tse Kholo.

Konteraka ea Mokoetlisi Lehohla e tla ba ea sele-mo, 'me e tla ipapisa le hore na botsamaisi ba sehlopha bo khotsofetse ke kamoo a

bontša boiphiphelo tabeng ea ho matlafatsa sehlopha

liki selemong sena se secha, Sehlopha sa LUFC se



tlang ho sebetsa ka teng. Har'a tse ling ke ho aha sehlopha le ho etsa methetho bakeng sa nako e tlang le ho

le libapali ka bo-mong. Leha Monghali Mosia a bontšitse hore mokoetlisi h'a lebelloa ho hapa

phethetse lipapali tsa sona tsa selemo se fetileng sa 2023/24 se le maemong a bo-11.

Leeto le fella Morocco



Tseliso Thakholi

Mokoetlisi oa Sehlopha sa Naha sa Likuena, Monghali Leslie Nots'i o re leha a sa thaba ke ho lahlehela ke papali ea bona khahlanong Wild Beast ea Morocco, bona joaloka sehlopha se ntseng se hola ba ithutile lintho tse ngata tsa bohlokoa papaling eo. O buile litaba tse na kamor'a hore Lesotho le shapuo ke Morocco ka phafa e bohloko ea 1-0 mokhahlelong oa bobeli oa tlholisano ea ho phunyeletsa ho ea bapala lipapali tsa AFCON isao.

Papali ena e ne e bapaloa Lebaleng la Agadir, Morocco ka la 9 Loetse 2024. Pejana ka Labohlano Lesotho le ne le ile la sasaroa ka phafa ea 3-1 ke Central African Republic papaling e bileng Lebaleng la Stade El Abdi Naheng ea Morocco. Papaling ena Lesotho le ile la hlabelela ntlha ke Motebang Sera. Tsa ea khefutsonong Mafouta Yawanendji a se a hlabile tse peli. Ha li khutla Dodwine Koyalipou a kokotela sepekere sa ho qetela ho Likuena ka ho hlabana ntlha ea boraro. Eaba ho felile ke lehlohonolo!

Sepheho sena se bolela hore Lesotho ha le sa tla phunyeletsa sehlopheng sa B moo le neng le pannoe le Morocco, Central African Republic le Gabon. Morocco le Central African Republic li na le monyetla o moholo oa ho phunyeletsa. Lesotho le saletsoe ke papali e le 'ngoe khahlanong le Gabon ka la 7 Mphalane 2024. Leha ho le joalo, sena se behile Naha ea Lesotho ka moo thakali e fatelang hobane Mokhahlelong oa B moo e

bapalang teng, ho feta feela sehlopha se le seng e leng se tla hlaha maemong a bobeli kaha Morocco e se e ntse e kene ka kotloloho ho-

bane sehlopha seo lipapali li tsoareloang naheng ea habo sona, se fuoa monyetla oa ho ba sona se bang maemong a pele.

Tseliso Thakholi

Ho tla tloa lithase ha Sehlopha sa Naha sa Bolo ea Maoto sa U/20, Makoanyane XI se tla be se lebanya thebe le tsa linaha tsa Malawi, Comoros, le Afrika Boroa lipapaling tsa Linaha tsa Afrika e ka Boroa (COSAFA), tse tlii'o bapaloa Maputo, Mozambique ka la 26 Loetse ho isa la 5 Mphalane 2024.

Makoanyane XI e pan-

U20 e kenela COSAFA

makale Mahlaha o hlile a amohela ho panao ha Makoanyane XI le lihlopha tseo tse tharo. A re sena se tlii'o e bulela maqiti le mahlale lipapaling tsa machaba.

Mokoetlisi Mahlaha o lumela hore ka boitokiso bo chatsi boo ba bileng le bona pele ho lipapali tsena, Makoanyane XI e ka hapa Mohope oa COSAFA, kaha libapali li bontšitse boikemisetso le khatelo-pele tse



ba bontša hore ba batla ho hapa papali ena. A tiisa hore tahlehelo e bohloko empa a

lakaletsa sehlopha sa Wild Beast katleho haele mona se atlehile ho hapa papali.

Naha ea Lesotho ha e-s'o phunyeletse ho ea litholisano tsa AFCON kaha ka 1974 ha le qala ho kena le ne le shapuo 5-1 ke Mauritius. Ka 1996 la behelloa ka thoko, 'me la boela la khutla ka selemo sa 2000 la 'na la

ntšoa ke Mauritius mokhahlelong oa pele oa lipapali tsa AFCON.



noe le linaha tsena mokhahlelong oa ho qetela oa C kamora hore ho etsoe lotho hona Mozambique ka Labone le fetileng. Hang hoba ho etsoe lotho, Mokoetlisi oa Makoanyane XI Hale-

lokelang ho holisoa e le hore li tle li qetelle li hapile lipapali tsa tsona.

Mokhahlelong oa sehlopha sa pele sa A ke Mozambique eo e leng eona e amohelang baeti, Eswatini,

kahlelong e ka pejana.

Ho sa le joalo, Sehlopha sa Naha sa U/17 sa Bahlabani le sona se tla leba Naheng ea Mozambique, ho bapala lipapali tsa COSAFA tse tlang ho qala ka la 5 ho

emong a boraro, ha boneng e ne ebe Botswana. Afrika Boroa le Angola li se li hapile litholisano tsena makhetho a mabeli sehlopha ka seng. Ha Malawi, Namibia le Zimbabwe li hlotse hanngoe.

Molao oa bojaki o khabisitse

Nthabeleng Seithleko

Mothehi oa Mokhatlo oa Basotho ba sebetsang Libakeng tseo e seng tsa habo bona Lerato Nkhetše, o re molao oa tjakopeli o fetohile mathethebale kaha o ne o sa etsetsoa mokhoa oa hore na o tla kenngoa tšebetsong joang. Litaba tsena li hlaleletse puisanong le Koranta ka mohala, ka la 12 Loetse monongoaha.

O re o ne o fetisoe ke paramente empa ha o sebetse hobane ha ho na mekhoha e totobetseng ea hore o tla sebetsa. A re ke ona o neng o tla fetoha molopolli oa Basotho ba sebetsang linaheng tse ling hore ba nolofalloe ke ho nka bojaki.

A tsoelapele hore ha Basotho ba sebetsa linaheng tse ling ho molemong oa naha kaha bao ba romella litsiane hae khoeli le khoeli, empa ha eba Basotho ba ka khahloa ke ho fetola Basotho ba bona hobane ho se na menyetla ea bojaki ho bolela hore naha e tla lahlehloa ke sechaba sa eona le menyetla ea chelete.

O itse ho molemo hape hore molao ona o kenngoe tšebetsong hobane o tla thusa hore balisana kapa batho ba sebetsang mesebetsi e kang ho rekisa ba nolofalloe ke ho bula libukana tsa banka le ho romela beng ka bona litsiane.

O re hoa fosahala hore ho be le melao e etsoang e kolla paramenteng sechaba se sa kenyeletsoa hobane e fetoha lefela la mafela, hape ha hoa nepahala hore Lesotho le etse melao ka tšusumetso ea machaba hobane e etsoa ho khahlisa batho eseng molemong oa naha. Ka hona a re ho bohlokoa hore ho etsoe potso sechabeng nakong eo ho etsoang melao, paramente ka likomiti tsa eona 'moho le mekhatlo li fane ka thuto sechabeng hore Basotho ba tsebe ka lipheto ho tse teng e le hore se itsebe 'moho le lipheto ho tse teng melaong.

Ka lehlakoreng le leng, Lekala la Khiri le Bosebetsi le khakotse Komiti ea Naha e shebaneng le Bosebetsi ba Matsoalloa a linaha tse ling, 'me le entse sena le ba nang le kobo ea bohali litabeng tsa Mokhatlo oa Bojaki.

Adv. Lindiwe Sephomolo o hlalositse hore basebetsi bohle ba lokela ho sirelet-



soa, ka hoo ba ea tšepa hore komiti ena e tla tseba ho shebana le litlhoko tse hlokoang ke mohiri le ho hokahana le makala kaha Lekala la Khiri le Bosebetsi le sa sebetse le leng. O re ba hloka ntlafalo ea maano a tla ntlafatsa lita-

ba tsa bojaki, litsela tsa boitšoaro le ho ntlafatsa basebetsi, ka hona ba thabela taba ena le ho elelloa hore ka ntle le kahare ho linaha litaba tsa bojaki li eloa hloko.

Letona la Khiri le Bosebetsi Mohlomphehi Tšelis Mokhosi, o hlalositse hore komiti ena e tla thakela bohle ka malebela le maano a moshoelella a amanang le lipehelo tsa machaba tse lokolohileng li bile li bolokohile litabeng tsa basebetsi.

A re bojaki ke e 'ngoe ea litšia tsa ntšetsopele e ntlafatsang moruo oa linaha, ka hoo ha bo tšoeroe hantle bo tla thusa ho matlafatsa likamano.

O itse litsebi tsa mesebetsi, matlafalo ea basebetsi, taolo ea basebetsi kantle ho naha li lokela ho ba tse tsamaisoang ka molao ho boloka litokelo tsa basebetsi. O bontšitse hore komiti ena e t'lo etelloapele ke mafapha a fapakaneng 'me e t'lo eletsa 'muso litabeng tse amanang le bojaki.

WNF e hopola mahlatsipa

Nthabeleng Seithleko

Vodacom Lesotho's Women Network Forum (WNF) e bile le thapelo ea ho hopola mahlatsipa a tlhekefetso ea bong Makoanyane Square, ka la 11 Loetse monongoaha.

Molula-Setulo oa WNF Lisemelo Ramafikeng, o re o rata Basotho ba be moea o mong ho fenyha kholu-

molumo ena le ho bontšha tšehetso ho mahlatsipa le malapa a bona le ho qholotsa litloaelo tse feteletsang ketso ena e soto.

A re bohle ba lokela ho aha Lesotho le futhumalentseng motho e mong le e mong, ho se ea tsietsing ea hore o tla hlekefetsoa hobane ho ata ha tlhekefetso ho senya likamano tsa sechaba hape ho ama kholo ea moruo le ho thefula seriti sa naha.

Mookameli e Moholo oa Lichelete Vodacom Lesotho 'Mamoorosi Raditapole, o buile a sa thekesele hore Vodacom Lesotho e nena tl-

hekefetso ea bong le ka metafuta eohle ea tlhekefetso. A re ba utloisisa ka botlalo bohlokoa ba ho nts'a tlhekefetso ena ka metso.

A re ba sebetsa ka WNF le Vodacom Lesotho Foundation, ho loants'a tlhekefetso ea bong le ho loanela teka-tekanano eo ba seng ba hatetse hape haholo ka eona. A re ba boetse ba tšehetsa mahlatsipa a tlhekefetso ena ka mekhoha eohle, ho kenyeletsa ho ba matlafatsa hore ba se tšabe ho bua e le hore bohle ba phele naheng e bolokehileng.

Letona la Tekano, Bacha le Ntšetsopele ea Sechaba

Mohlomphehi Pitso Lesaonana, o tiisitse boikemisetso ba 'muso toantšong ea tlhekefetso ea bong. A re tlamahano ea puso, likhoebo tse ikemetseng le mekhatlo e ikemetseng e bohlokoa ho hlola tlhekefetso ena le ho tšehetsa mahlatsipa.

O ipilelitse ho banna ho khaotsa tlhekefetso ea basali le banana, 'me ba li hule nthau letšolong lena. A re hore bohle ba kenye letsoho toants'ong ea tlhekefetso ho sa khetholloe mang kapa mang hobane litaba tseo li ama kholo ea naha, seriti sa eona machabeng le moruo.

